

# 鴿黨為延任 騎劫羅三七

## 擅用大頭照再斷章取義 網民譏諷「自己捉蟲」

不問自取嘅人通常面皮極厚，因為佢哋巧取豪奪之後仲可以振振有詞，講緊嘅又係民主黨（鴿黨）班立法會議員囉。事緣鴿黨近日係公屋派咗幾十萬份宣傳單張，大講佢哋延任對社會嘅「好處」，奇就奇在成份單張都係引述黨外人嘅言論，更估唔到前「香港眾志」嘅羅三七（羅冠聰）都為鴿黨「撐場」，莫非佢哋已有共識？羅冠聰嘅同夥黃之鋒嘅日就係facebook大踢爆，原來鴿黨引用羅冠聰言論前並冇通知對方，有「抗爭派」中人隨即大鬧鴿黨為咗延任「無所不用其極」，但有網民就寸返「抗爭派」：「張單張有冇扭曲喺（羅冠聰）講嘅嘢先？」

香港文匯報記者 鄭治祖

黃之鋒係上傳有關單張，大鬧鴿黨非常難譜，問都唔問就登咗羅冠聰嘅大頭照同言論，令大家誤以為羅冠聰支持議員延任；另一「抗爭派」分子岑敖暉亦轉載帖文，批評鴿黨為咗延任，「實在是無所不用其極。」

### 林卓廷反駁稱引用係常態

鴿黨林卓廷就留言反駁，話從政者討論重大公共政策時，成日都會引述其他政客、議員、官員同學者嘅意見，關鍵係準確引述，而羅冠聰確實講過「進入與否都不會引起國際的反彈……不會有任何國家政府、政客因為『民主派』延任一年，或者全面杯葛，而轉變香港以及中國的態度。」

不過，林卓廷最後都戴返個頭盔話，引述羅冠聰言論只係解釋延任會否影響國際聯繫工作，唔涉及對方係咪支持延任嘅。

被擺上檯嘅羅冠聰就大呻鴿黨今次令佢好難堪，因為佢當時發表有關言論時已經將個人立場寫得好隱晦，言論亦非針對「民主派」應否延任，但鴿黨今次咁樣引用，又用埋佢嘅大頭照，隨時令讀者將佢同鴿黨立場聯齊。

### 鴿黨單張自己名字超細隻

香港文匯報記者亦發現一個特別嘅地方，就係「民主黨」呢個名喺四頁單張中只出現過一次，而且字體極細，除咗羅冠聰，單張仲引述咗港大政治與公共行政學系教授陳祖為、壹傳媒集團創辦人黎智英、立法會前議員區諾軒等幾位攞炒分子認為「民主派」議員應延任嘅言論。平時高調宣揚自己「政績」嘅鴿黨突然低調，唔知係咪知道自己有乜支持



黃之鋒批評民主黨在未有通知羅冠聰前，就擅自將該黨的單張上引用羅冠聰的大頭照和言論，令人誤會羅冠聰支持「民主派」議員延任。黃之鋒fb截圖

者，所以騎劫吓其他陣營嘅民意呢？網民又點睇呢個「講者無心，聽者有意」嘅情況呢？「antiwahkee」就建議：「為左（咗）一個垃圾會議席，民主黨真係可以極度無恥，羅冠聰求其up（噏）句唔關事都放得，咁不如放晒（晒）所有古人入去話支持你好唔好？」


### 工黨玩嘢搵司徒華「報夢」

工黨鄭司律就話收到民主黨已故黨鞭司徒華「報夢」：「阿廷和阿聰份屬同僚，尚且可以接駁言論；司律和華叔（司徒華）本出一系（愛國民主，年年入維園），為何不能隔世感通？感謝華叔支持全體『民主派』十

月一日杯葛『臨立會』。」「Aki La」就好奇：「點解又唔見民主黨印製數十萬份入屋單張去宣傳『初選』嘅（嘅）呢？」

不過，一隻手掌係拍唔響嘅，「Kelvin Sin」就反問「抗爭派」：「公道講，張單張有冇扭曲聽講嘅嘢先？」「Chan Ching Wa Jonathan」亦話：「羅冠聰嘅一番言論雖非『直接』支持主流（留）派，但佢『進入與否，都不會引起國際反彈』呢句，老老實實係essentially negate（原質上否定）咗其中一個不接受中共『非法』安排『續任』嘅理解。」

「Fish Yu」都話：「自己小心啲就唔會被（界）位人入啲，咪又係自己捉蟲！」



袁弓夷日前係直播中批評林卓廷玩「語言偽術」分化「同路人」，質疑對方日後有「重任」。

林卓廷一改以往惡霸嘅作風，話自己只有「重刑」而有「重任」。

## 被袁弓夷暗指係鬼 三白眼賣慘扮可憐

千錯萬錯都係「同路人」錯，呢個就係民主黨林卓廷（三白眼）嘅邏輯。事緣佢近日數次嘅網台「抗爭派」中人辯論傳統「飯民」議員應否延任立法會，結果被攞炒派KOL袁弓夷拍片批評，話三白眼嘅辯論時扮晒客氣，實質製造分化，故「同路人」應小心提防。三白眼隨即拍片回敬對方，聲稱自己一直對「同路人」十分客氣，又話自己一隻腳已踏入監倉，堅持留守議會係有不可推卸嘅責任，希望對方勿再誤解，要識槍口對外。

### 袁批林分化「同路人」有「重任」

正喺美國游說華府支持香港「抗爭者」嘅袁弓夷，近日就拍片批評三白眼最鍾意玩「語言偽術」，經常扮晒客氣咁分化「同路人」，又叫大家唔好睇小三白眼，因佢將來會有「重任」。袁弓夷又批評，接受延任嘅「民主派」都係自私賣港，「同路人」必須注意。屢被狙擊嘅三白眼一改以往強硬嘅作風，首先聲稱自己十分尊敬袁弓夷呢位前輩，又扮晒可憐話自己日前已因去年「7·21」元朗站事件被控暴動罪，亦隨時被律政司加控其他罪行，所以自己將來只有「重刑」而有「重任」，呢件事亦反映做議員嘅代價好高，希望袁弓夷唔好詞太過，誤解佢啲。

網民「HK Freebird」就話：「袁爸爸（袁弓夷）講得你啱啱，代市民發聲應該要

求重啟選舉，還市民選舉權，唔係剩係掛住入立法局（會）。」「周志強」就替三白眼護航：「叫呢位袁先生返嚟香港做鬥爭，喺美國佢就講得口響啊，帶返返嚟香港睇吓點樣。」「Choileung Philip」就反問：「佢意思係叫你在監房做重任，唔明嗎？」

### 改民調門檻又賴鍾庭耀

三白眼除咗扮可憐托高自己，亦識將對自己不啱嘅聲音賴落「同路人」身上，好似民主黨日前將決定佢去留嘅民調門檻，由「民主派」支持者嘅三分之二改為參與民調議員支持者嘅一半，結果被「黃絲」批評戀棧權位，淨係搞個有利自己嘅民調。三白眼其後就話，佢曾兩度建議將調查對象改返做整體「民主派」支持者，只係被受託民調機構嘅代表鍾庭耀拒絕，完全唔關佢事。

三白眼亦善於踩「同路人」嚟塑造自己清高嘅形象，事關佢日前同傳媒茶敘期間，大講佢曾去信主張離開議會嘅「議會陣線」朱凱迪，邀請對方就去留一事進行二人對談，只係對方冇回應。佢仲話民調門檻下調其實係佢嘅建議，因為原本三分之二嘅門檻太高，降到一半先令佢有機會離開。

「Hidi Or」就火滾：「馬後炮，公布嗰日唔見你出嚟講？認住攞光環？降到一半唔係令你哋有機會走，而係方便你哋做數話有啲好過過半市民支持你哋啲低啲！」「區展鵬」就話：「鴿黨你自己接受招安就唔好拉人落水！」「Simon Lau」就批評：「平時就『手足』，一講到要放棄議席人工，你就係鬼。」

## 許智峯話留低好處多 竟係議員身份利眾籌

攞炒派最叻做乜？咪係攞囉。不過咁，佢哋通常呢頭大仁大義，轉個頭就見利忘義。呢排民主黨等傳統「飯民」因為唔想杯葛立法會延任而俾「議會陣線」朱凱迪同「抗爭派」不停狙擊，關佢哋連攞炒派支持者意願。民主黨許智峯前日就特登上網台節目畫，話「留低好處多啲」，仲將節目片段放上自己facebook。大家仲以為佢有咩高見，點知居然話有咗議席就可能會影響眾籌。難怪有聽得明嘅網民問佢：「毫無黨格、遵（尊）嚴和原則，共產黨都睇唔起你哋啦！」

有時扮嘢真係好難扮一世。許智峯前日就話：「我係好大力主張應該要留（任）……覺得應該『總辭』喇班……有啲情緒主導得太多……要冷靜坐低聽多聽，留低好處多啲。」佢一開聲就鬧班支持者情緒化，要冷靜聽佢講留低好處多啲。點知佢轉頭就鬼拍後尾話：「在做眾籌嘅時候，若我唔係一個議員，大家喺議會入面見到我個個形態，我所做嘅嘢，有冇市民信任去一齊捐錢去做呢？」原來議席嘅作用居然係眾籌囉嘅，認真厚顏。

唔少「手足」都覺得許智峯言論漏洞百出，淨係識以偏概全。「Hea Man」話：「人地（哋）嘅理據你聽



許智峯係網台節目話「留（任）嘅好處係多啲」，原來佢認為議席嘅作用係眾籌。

### 而許智峯係fb嘅置頂帖，就係一項目標330萬元眾籌。

唔到，定當聽唔到呀？自己嘅意見就唔囉（晒）呀？人地（哋）就錯囉（晒）呀？」「KW Red Red」就話：「如果留任有用嘅（嘅），過去一年仲使乜出黎（嚟）抗爭？點解年青（輕）人仲要出黎（嚟）『搵子彈』？」「Po Po Cheung」就話：「請民主派（傳統攞炒派）總辭，唔好扮聽唔到。」

有「黃絲」就直情覺得係見利忘義。[Jackie Mak]話：「返『臨立會』出糧啦！出賣年青（輕）人，出賣香港人。」「Law SF」就話：「香港末日，泛民『投共』，所有試圖同

你講體制內「抗爭」有用。既（嘅）都係廢話e.g.（例如）法律X同D（啲）督（篤）眼督（篤）鼻政棍。」

### 網民：窮得只剩下議席

亦有同路人話已對民主黨失去晒信心。「Psc Ch」話：「你地（哋）咁緊張張議席，只不過係因為你地（哋）窮得只剩下議席，無左（咗）就一無所有，成日見你地（哋）啲唔同post（帖）重複（複）同一堆軟弱無力嘅論點，我就嚟unfollow（取消關注）你地（哋）啦。」

香港文匯報記者 黃書蘭

## 鄭錦滿翻舊賬 寸袁嘉蔚係「左膠」

傳統「飯民」同「抗爭派」開片開到一地血，但其實「抗爭派」入面都有唔少紛爭，曾經「相對理性」都會俾人算賬。「熱血公民」副主席鄭錦滿前日就喺facebook貼咗張袁嘉蔚嘅「佔中」時，幫佢嘅鐵馬前嘅警員撐傘擋雨嘅嘢，仲揶揄對方「抗爭」方式十分給力，而且「畫面好靚」。唔少網民紛紛轉載相片，嘲笑袁嘉蔚當日係鏡頭前扮嘢，力踩佢有資格叫「抗爭派」。

### 貼幫警察撐傘舊相鞭屍

由「香港眾志」退出嚟做返「素人」參選，袁嘉蔚有幾「抗爭」大家都見。睇返2014年，着住雨樓嘅佢舉起一把綑骨傘，雖然連對面警員嘅半個頭都遮唔到，但少女嘅眼神充滿住愛，難怪網民恥笑呢張「畫面好靚」。

鄭錦滿貼完仲設計對白話：「當共產黨出解放軍嘅時候，香港警察就會企返嚟香港人嚟嚟！而（畀）家針對前線警員，到時邊個幫我哋手？冇好處嘅！我哋要感化佢哋，令佢哋企嚟我哋呢邊！」

唔少「抗爭派」網民就起勢踩袁嘉蔚係「扮抗爭派」。[Lai Tim]揶揄：「『抗爭派』最強武器：溫柔。」[Grico Ngai]就不滿：「佢哋咁都叫『抗爭派』，唔怪得香港輸到依（畀）家咁樣啦！」[Maymay suen]就話：「其實佢哋陣可能都想好似『學民思潮』嗰班咁出名，點知相影咗佢有人採訪佢。」

不過，當日袁嘉蔚雖然有人採訪，但今日佢已經係區議員，相反鄭錦滿就都唔係，咁樣挑戰區議員，當然有反噬風險。自稱係2016年立法會選舉投過鄭錦

滿嘅「Laser Burner」就批評：「又怨婦mode（模式）上身……佢地（哋）過去一年做過咩大家都睇住，佢地（哋）再犯唔使你鞭大巴人鞭，但無啦啦出過（個）鞭屍post嘅目的做乜？」

「Nazii Wong」就寸返對方，話張相係反映事實：「有人做咗件事，因為大家都欣賞佢，所以影相表揚，身邊啲（朋友）都覺得畫面靚。但點知社會嘅反應唔係咁，都指出行為同教育有毒同虛偽，得不償失。你認為咁叫鞭屍，隨你啦，記住，啲相係大家有份製造嘅畫面。」

香港文匯報記者 鄭治祖



鄭錦滿貼出袁嘉蔚在「佔中」時幫警員撐傘舊相，並揶揄自稱「抗爭派」的袁嘉蔚係「左膠」。鄭錦滿fb截圖